

**Түркістан облысының денсаулық сақтау басқармасының шаруашылық жүргізу
құқығындағы «Асықата» Жетісай аудандық ауруханасы» мемлекеттік
коммуналдық кәсіпорыны
ХАТТАМАСЫ №3**

Кент Асықата

«19» тамыз 2024 ж.

Жиналыс төрағасы: Е.С.Сопбеков басшы орынбасары

Хатшысы: Д.Тилемисова

Стационар және емхана бөлімінің дәрігерлері, дәрігерлік амбулатория ЖТ дәрігерлері,
бас мейірбике, аға мейірбикелер, орта және кіші буын қызметкерлері мен әкімшілік бөлімі

Күн тәртібінде:

**1.«Сыбайлас жемқорлыққа қарсы комплаенс қызметі»(Сыбайлас
жемқорлыққа қарсы іс-қимыл туралы 18.11.2015 жылғы ҚР Заңының 16-бабы);**

**2. «Квазимемлекеттік сектор субъектілеріндегі сыбайлас жемқорлыққа қарсы
комплаенс-қызметтер туралы үлгілік ереже» (ҚР Сыбайлас жемқорлыққа қарсы іс-
қимыл агенттігі Төрағасының 31.03.2023 жылғы №112 бұйрығы); аурухана
қызметкерлеріне түсіндіру туралы.**

Күн тәртібі бойынша сөз алған аурухана заңгері Д.Джанабекова «**Сыбайлас
жемқорлыққа қарсы комплаенс қызметі бойынша 2015 жылғы 18 қарашадағы
Сыбайлас жемқорлыққа қарсы іс-қимыл туралы Қазақстан Республикасының 16-
бабында көзделген «Кәсіпкерлік саладағы сыбайлас жемқорлыққа қарсы іс қимыл
шаралары туралы төмендегі заңдылықтарды таныстырды:**

1. Кәсіпкерлік субъектілері өз қызметін жүзеге асыру кезінде сыбайлас жемқорлықтың
алдын алу жөнінде, оның ішінде сыбайлас жемқорлық құқық бұзушылықтар жасауға
ықпал ететін себептер мен жағдайларды барынша азайту бойынша:

- 1) шешімдер қабылдау рәсімдерінің есептілігін, бақылауда болуын және ашықтығын
қамтамасыз ететін ұйымдық-құқықтық тетіктерді белгілеу;
- 2) адал бәсекелестік қағидаттарын сақтау;
- 3) мүдделер қақтығыстарын болғызбау;
- 4) іскерлік әдеп нормаларын қабылдау және сақтау;
- 5) сыбайлас жемқорлыққа қарсы мәдениетті қалыптастыру жөніндегі шараларды
қабылдау;

6) сыбайлас жемқорлықтың алдын алу мәселелері бойынша мемлекеттік органдармен
және өзге де ұйымдармен өзара іс-қимыл жасау арқылы шаралар қабылдайды.

2. Кәсіпкерлік субъектілері үшін сыбайлас жемқорлықтың алдын алу жөніндегі
стандарттарды кәсіпкерлік субъектілерінің бірлестіктері (қауымдастықтары, одақтары)
әзірлеуі және қабылдауы мүмкін.

3. Квазимемлекеттік сектор субъектісінде негізгі міндеті осы ұйымның және оның
жұмыскерлерінің Қазақстан Республикасының сыбайлас жемқорлыққа қарсы іс-қимыл
туралы заңнамасын сақтауын қамтамасыз ету болып табылатын құрылымдық бөлімше
немесе сыбайлас жемқорлыққа қарсы комплаенс-қызметтің функцияларын атқаратын
жауапты адам айқындалады. Бұл ретте сыбайлас жемқорлыққа қарсы комплаенс-
қызметтің функцияларын атқаратын жауапты адам мүдделердің ықтимал қақтығысы
ескеріле отырып айқындалады.

Сыбайлас жемқорлыққа қарсы комплаенс-қызмет өз өкілеттіктерін квазимемлекеттік сектор субъектісінің атқарушы органынан, лауазымды адамдарынан тәуелсіз жүзеге асырады, директорлар кеңесіне, байқау кеңесіне (ол болған кезде) немесе өзге де тәуелсіз басқару органына есеп береді және Қазақстан Республикасының сыбайлас жемқорлыққа қарсы іс-қимыл туралы заңнамасы талаптарының сақталуын қамтамасыз ету кезінде тәуелсіз болып табылады. Сыбайлас жемқорлыққа қарсы комплаенс-қызметінің құзыреті, қызметін ұйымдастыру мен оның тәртібі квазимемлекеттік сектор субъектісінің ішкі актісінде айқындалады.

Сыбайлас жемқорлыққа қарсы іс-қимыл жөніндегі уәкілетті орган кәсіпкерлік жөніндегі уәкілетті органмен келісу бойынша квазимемлекеттік сектор субъектілеріндегі сыбайлас жемқорлыққа қарсы комплаенс-қызметтер туралы үлгілік ережені әзірлейді және бекітеді.

Квазимемлекеттік сектор субъектілері болып табылмайтын кәсіпкерлік субъектілері сыбайлас жемқорлыққа қарсы комплаенс-қызметтер құруға құқылы.

Күн тәртібіндегі екінші мәселе «Квазимемлекеттік сектор субъектілеріндегі сыбайлас жемқорлыққа қарсы комплаенс-қызметтер туралы үлгілік ереже» ҚР Сыбайлас жемқорлыққа қарсы іс-қимыл агенттігі Төрағасының 31.03.2023 жылғы №112 бұйрығымен, оның ішінде Жалпы ережелер, сыбайлас жемқорлыққа қарсы комплаенс-қызметтердің мақсаттары, міндеттері, қағидаттары, функциялары мен өкілеттіктері, сыбайлас жемқорлыққа қарсы комплаенс – қызметтердің есептілігімен аурухана қызметкерлерін комплаенс-офицер Д.Тилемисова таныстырды.

Жоғарыда аталғандардың негізінде қортындылай келе, медициналық ұйымдардың жалпы барлық қызметкерлері тікелей жауапкершілігімен Қазақстан Республикасының 2015 жылғы 18 қарашадағы «Сыбайлас жемқорлыққа қарсы іс-қимыл туралы» №410-V заңын басшылыққа алып, басқарып отырған мекеменің жалпы жүйесінде өз құзіреті шегінде талаптарын орындап, онда көзделген тәртіптік шара қолдана отырып, сыбайлас жемқорлыққа қарсы комплаенс- қызметіне көмектесуге міндетті екендігін түсіндірді.

Жоғарыда айтылған мәселелер бойынша сұрақтар берілді, оның барлығына қанағаттандырылдық жауап қайтарылды.

Төраға:



Е.С.Сопбеков

Хатшы:

Д.Тилемисова